

SAMOA**Faatulagaina o Aiaiga****VAEGA I
FAATOMUAGA**

1. Igoa puupuu ma le amataga
2. Faamatalaina o upu

**VAEGA II
PULEGA O TAALOGA A LE
PASEFIKA I SAUTE**

3. Pulega o Taaloga a le Pasefika i Saute
4. Avea ma Sui auai o le Pulega
5. Faamoemoe ma galuega tauave a le Pulega
6. Malosiaga o le Pulega
7. Avanoa faigaluega ma taualumaga a le Pulega
8. Totogi o Sui Auai o le Pulega
9. Fuafuaga Autasi
10. Noataga
11. Aufaigaluega ma isi tagata faigaluega

**VAEGA III
TUPE, LIPOTI
FAALETAUSAGA MA LE
SUEINA O TUSI**

12. Faaputugatupe a le Pulega

13. Faamatalaga Tau Tupe ma Lipoti Faaletausaga a le Pulega

**VAEGA IV
PUIPUIGA O AIA TATAU A
NUSIPEPA, TELEVISE
MA LEITIO**

14. Aia Tatau a Nusipepa, Televise ma Leitio o lo o umia e le Pulega
15. Solia o Aia Tatau a Nusipepa, Televise ma Leitio
16. Faoa faamalosia o mea faigaluega faasolitulafono tau i Nusipepa, Televise ma Leitio

**VAEGA V
PUIPUIGA O MEATOTINO
TAU LE ATAMAI**

17. Aia Tatau o Meatotino Tau le atamai o lo o umia e le Pulega
18. Solia o Aia Tatau o Meatotino Tau le atamai
19. Faoa faamalosia o mea ua faia ua solia ai Aia Tatau o Meatotino Tau le atamai a le Pulega

2 *Pulega o Taaloga o le 2007 a le Pasefika* 2002, Nu. 20
i Saute

20. Puipuiga mai noataga

**VAEGA VI
MEA ESEESE**

21. Malosiaga e faamatu ai

22. Faailoaina atu ma le
faaogaina sese o
faamatalaga

23. Tulafono Faatonutonu

24. Faamutaina o le aoga o le
Tulafono

2002, Nu. 20

**O SE TULAFONO e faavae ai le Pulega o Taaloga a le
Pasefika i Saute mo le faafoeina o Taaloga o le 2007 a le
Pasefika i Saute, i totonu o Samoa ma mo faamoemoega e
fesootai i ai.** *[22 Aokuso 2002]*

UA FAIA e le Fono Aoao Faitulafono o Samoa i totonu o le
Palemene ua potopoto e faapea:-

**VAEGA 1
FAATOMUAGA**

1. Igoa puupuu ma le amataga-(1) E mafai ona taua
lenei Tulafono o le Tulafono o le Pulega o Taaloga o le 2007 a
le Pasefika i Saute 2002.

(2) O lenei Tulafono o le a amata faamamaluina i le aso e
tuuina i ai le maliega a le Ao o le Malo.

2. Faamatalaina o Upu – I totonu o lenei Tulafono ae
vagana ai ua manaomia e le mataupu nisi uiga e ese mai ai:

“Tulafono” o lona uiga o le Tulafono o le Pulega o
Taaloga o le 2007 a le Pasefika i Saute 2002:

“Pulega” o lona uiga o le Pulega o Taaloga a le Pasefika i
Saute ua faavaeina i le fuaiupu 3 o le Tulafono:

faalapotopotoga o taaloga i Samoa e pei ona faaono mafai ona filifilia e le Minisita:
“Failautusi” o lona uiga o le Ulu o Matagaluega e fitoitonu mo Taaloga.

VAEGA II

PULEGA O TAALOGA A LE PASEFIKA I SAUTE

3. Pulega o Taaloga a le Pasefika i Saute-(1) Ua faavaeina nei se faalapotopotoga ua taua o le Pulega o Taaloga a le Pasefika i Saute.

(2) O le Pulega o se faalapotopotoga ua tuufaatasia faaletulafono ma le faaauauaina tumau o se faamaufaailoga e mafai ai ona -

- (a) Mauaina, umiaina ma faamatuuese meatotino tumau ma meatotino tau i le tagata lava ia;
 - (b) Molia i le faamasinoga ma ua maea ona molia i le faamasinoga; ma
 - (c) Faia ma tuuina atu o ia gaoioiga ma mea uma e pei ona mafai ona faia ma tuuina atu e faalapotopotoga ua tuufaatasia faaletulafono e tusa ai ma ala o le tulafono.
- (3) Faatoa mafai ona faapipiina le faamaufaailoga i le :
- (a) Auai o se sui auai o le Pulega po o se isi tagata ua faatagaina i luga o se tusitusiga a le Pulega; ma
 - (b) Faatasi ai ma se faamaoniga e ala i se saina a se sui auai o le Pulega po o le isi tagata ua faatagaina i luga o se tusitusiga a le Pulega.

4. Avea ma sui auai o le Pulega-(1) O le Pulega e aofia ai i totonu tagata ua taua e faapea:

- (a) O le Minisita, o ia lea e tatau ona avea ma Taitaifono;
- (b) O le Failautusi, o ia lea e tatau ona avea ma Sui Taitaifono;
- (c) O le Peresetene o le SASNOC;
- (d) Sui o le SASNOC;
- (e) Pule o le Faalapotopotoga o Eleele o Samoa;

- (e) Mauaina o meatotino, meatotino tumau faapea foi meatotino tau i le tagata lava ia, e ala i le faatauina mai, lisi po o so o se isi tuutuuga, i le maliega po o le tulaga faamalosia, e tusa ai ma le Faavae ma le Tulafono o le Aveina o Eleele 1964. O le faamoemoe ma le galuega tauave a le Pulega i lalo o le fuaiupu 3 e tatau ona avea o se Faamoemoega o le Malo i lalo o le Tulafono o le Aveina o Eleele 1964;
- (f) Ulufale i totonu o faiga faakonekarate ma isi tuutuuga ma matagaluega a le Malo faapea ofisa sooupu ma isi faalapotopotoga, kamupani tumaoti ma tagata taitoatasi, ma isi itutino faalefaalapotopotoga, faalapotopotoga, vaega ma tagata taitoatasi ina ia mafai ai ona faafoeina Taaloga;
- (g) Faafaigaluegaina o tagata faigaluega ma faia konekarate o galuega a tagata, kamupani, faalapotopotoga ma vaega e manaomia e le Pulega e faafoeina ai Taaloga; ma
- (h) I le maea ai o Taaloga, i le faatonuga a le Kapeneta faatasi ai ma le faamaoniga a le Failautusi o Tupe ma le Loia Sili, e faaliliuina atu aseta ua maua e, po o i lalo o le pule a le Pulega i le matagaluega a le Malo po o ofisa sooupu, po o itutino faalefaalapotopotoga po o isi faalapotopotoga, vaega po o tagata.

7. Avanoa Faigaluega ma Tualumaga a le Pulega-(1)

E mafai e le Ao o le Malo i le faia i luga o le fautuaga a le Kapeneta ona aveesea so o se sui auai o le Pulega mai lona tofi ona ua le mafai ona galue, le atoatoa le faatinoga, gaumativa, faatalale i tiute tauave, amio le pulea, po o le malaga ese atu mai Samoa i se taimi tumau, po o e mafai ona faamavae mai lona tofi i se faasilasilaga tusitusia e faatuatusi atu i le Taitaifono.

(2) O le tofi o so o se sui auai o le Pulega o le a tatau ona avanoa pe afai ua maliu po o le faamavae po o ua aveesea mai le tofi, ma i luga o lona tulaga e tatau ona faatumuina le avanoa faigaluega i se faiga e faapea na faia ai le uluai tofiga.

(4) Ia faatinoina e le Pulega, i le tulaga e mafai ai, ona faatino ai, ina ia faatinoina ana galuega tauave ma malosiaga e tusa ai ma le fuafuaga autasi talafeagai.

(5) E ao i se fuafuaga autasi ona faamaoti:

(a) Sini autu o galuega a le Pulega mo le tausaga faaletupe ua taua ma mo nisi tausaga faaletupe o lumanai ai e pei ona faatonuina e le Kapeneta;

(b) O fuafuaga faataatitia, faiga faavae ma tala o tupe mo le ausia o ia sini; ma

(c) Vaega ausia ma tulaga manaomia e faatino ai mo le iloiloga o galuega faatino a le Pulega.

(6) O le tausaga faaletupe a le Pulega o le tausaga e amata i le aso 01 Iulai.

10. Noataga – O se mataupu po o se mea ua faia pe ua aveesea e:

(a) Le Pulega; po o

(b) Sui auai o le Pulega; po o

(c) Aufaigaluega a le Pulega; po o

(d) So o se tagata o lo o galue i lalo o faatonuga a le Pulega;

e le noatia ai le Pulega, sui auai po o se tagata ua ia faia faapea i so o se gaoioiga, noataga ua tapaina po o ua faamalosi mai, pe afai o le mataupu po o le mea sa faia pe aveesea i se agaga lelei mo faamoemoe o le faatinoina o lenei po o so o se isi lava Tulafono.

11. Au faigaluega ma isi tagata faigaluega-(1) E mafai e le Pulega ona faafaigaluega ni tagata faigaluega e pei ona talafeagai i luga o ia tuutuuga ma tulaga e pei ona fuafuaina e le Pulega faatasi ai ma le faamaoniga a le Failautusi o le Komisi o Galuega a le Malo.

(2) E le tatau ona aloaia tagata faigaluega ua faafaigaluega e le Pulega o ni tagata faigaluega a le Malo.

(3) E mafai ona fetuutuunai e le Pulega le faaaogaina o se auauunaga a so o se tagata faigaluega (e ala i se galuega faavaitaimi po o se isi faiga e ese ai) po o mea e faatino ai galuega a se matagaluega a le Malo sooupu po o se faalapotopotoga. Mo faamoemoega o le Tulafono o se tagata ua faaaogaina lana auauanga e le Pulega i lalo o lenei faafuaiupu o se sui o tagata faigaluega a le Pulega.

(4) E mafai e le Pulega ona faafaigaluega tagata faufautua po o isi tagata e tauaveina so o se matata po o galuega mo po o le avea ai ma sui o le Pulega.

VAEGA III **TUPE, LIPOTI FAALETAUSAGA** **MA LE SUEINA O TUSI**

12. Faaputugatupe a le Pulega – O faaputugatupe o lo o avanoa mo le faamoemoe e mafai ai e le Pulega ona faatino ana galuega tauave i lalo o le Tulafono e aofia ai -

- (a) Tupe uma ua faatatauina e le Palemene mai lea taimi i lea taimi mo le faamoemoe;
- (b) Tupe uma ua mauaina e le Pulega mo oloa po o auauunaga po o lalo o so o se konekarate po o se feagaiga;
- (c) Tupe uma ua mauaina e le Pulega i auala faameaalofa;
- (d) Tupe uma na nonoina e le Pulega; ma
- (e) I si tupe uma ua mauaina e, po o ua faaavanoaina i le Pulega i lalo po o mo le faamoemoe o le Tulafono.

13. Faamatalaga tau tupe ma Lipoti Faaletausaga a le Pulega-(1) E tatau i le Pulega ona taulamua i le tausia lelei o faamatalaga tau tupe ma faamaumauga o gaoioiga faapisinisi ma mataupu a le Pulega ma e tatau ona faia mea uma lava e talafeagai ai ina ia mautinoa ai e faapea o tupe uma ua maua o lo o i le faamatalaga tau tupe, o tupe totogi uma e aveesea mai i ana faaputugatupe o lo o faia ma le sao ma faatagaina aloaia ma

e faapea o lo o tausia i faiga talafeagai o ana meatotino faatasi ai ma le faatupulaia o noataga a le Pulega.

(2) E tatau i le Pulega ona taulamua ina ia saunia ma tuuina atu i le Minisita, i totonu o le lua (2) masina i le faaiuga o le tausaga faaletupe a le Pulega, se lipoti faaletausaga o lo o aofia ai -

- (a) Faamatalaga tau tupe mo le tausaga faaletupe;
- (b) Fua faatatau o galuega faatino ma sea faamatalaga e pei ona faaono mafai ona faatonuina e le Minisita o Tupe;
- (c) O se lipoti o galuega a le Pulega a o faagasolo le tausaga faaletupe ua maea;
- (d) O se ootoga o le fuafuaga autasi; ma
- (e) Nisi lava faamatalaga e pei ona manaomia e le Kapeneta.

(3) O faamatalaga tau tupe ua faasinomia i totonu o le faafuaiupu (2)(a) e tatau ona saunia i luga o faamaumauga tau tupe faaputupu ma e tatau ona aofia ai -

- (a) Faamatalaga o galuega tau tupe a le Pulega mo le tausaga faaletupe;
- (b) Faamatalaga o le tulaga tau tupe o le Pulega i le faaiuga o le tausaga faaletupe; ma
- (c) Faamatalaga atoatoa ma lelei i faamatalaga tau tupe.

(4) E tatau i faamatalaga tau tupe e pei ona faasinomia i totonu o le faafuaiupu (2)(a) ona -

- (a) Aumai tonu ai feuiaiga tau tupe a le Pulega a o faagasolo le tausaga faaletupe e faasino i ai; ma
- (b) Aumai tonu le tulaga tau tupe a le Pulega i le faaiuga o le tausaga faaletupe.

(5) E tatau i le Pulega, i totonu o le lua (2) masina ina ua maea le faaiuga o le tausaga faaletupe a le Pulega, ona taulamua i le tuuina atu i le Suetusi Sili o faamatalaga tau tupe ma isi faamatalaga ua faasinomia i totonu o le faafuaiupu (2) ia sueina faatasi ai ma se ata o le fuafuaga autasi mo lea tausaga faaletupe.

(6) E tatau ona taulamua le Minisita e faataatia i luma o le Palemene ata o lipoti faaletausaga a le Pulega, faatasi ai ma le lipoti a le Suetusi Sili ua maea ona sueina faasuetusi, i totonu o le 14 aso ao usuia le fonotaga i le mauaina o le lipoti ua maea ona sueina faasuetusi e le Suetusi Sili.

VAEGA IV
PUIPUIGA O AIA TATAU A NUSIPEPA,
TELEWISE MA LEITIO

14. Aia tatau a Nusipepa, Telewise ma Leitio o lo o umia e le Pulega-(1) E ui lava i aiaiga o so o se tulafono, o lo o umia e le Pulega aia tatau a nusipepa, telewise ma Leitio i Taaloga.

(2) E mafai e le Pulega ona tuuina atu se laisene po o isi aiatatau, i ni tusitusiga, i se vaega po o aiatatau atoa o nusipepa, telewise ma leitio o lo o umia e le Pulega i so o se tagata i luga o ia tuutuuga e pei ona manatu le Pulega, i lana pule faitalia faitoatasi, e mafai ona fuafua ai.

15. Solia o aia tatau a Nusipepa, Telewise ma Leitio-(1) O so o se tagata ua solia ma lona iloa aiatatau a nusipepa, telewise ma leitio ua faia e ia se solitulafono.

(2) O so o se tagata o ia lea ua fesoasoani ma le iloa pe lagolago i se isi tagata, pe fautuaina po o le usui o se isi tagata ina ia faia se solitulafono i lalo o le faafuaiupu (1) ua faia e ia se solitulafono.

(3) O so o se tagata ua molia faaletulafono i le faia o se solitulafono i lalo o le faafuaiupu (1) po o le (2) o le a tatau ona noatia i se sala tupe e oo atu i le 1000 iunite tau faasalaga po o le nofosala i le falepuipui mo le tausaga e tasi (1) po o ia faasalaga uma e lua.

16. Faoa faamalosia o meafaigaluega faasolitulafono tau nusipepa, televise ma leitio-(1) E ui lava i aiaiga o so o se tulafono, e mafai e se alii leoleo ona faia i luga o se talosaga tusitusia mai le Pulega -

(a) Faoa faamalosia o so o se pepa aloaia, ata pue, mea e pueina ai leo, faamaumauga faaeletoroni, ata tifaga po o se isi meafaigaluega mai so o se tagata pe a fai o sea pepa aloaia, ata pue, mea e pueina ai leo, faamaumauga faaeletoroni, ata tifaga po o se isi meafaigaluega ua talitonuina i luga o mafuaaga tatau sa faia pe sa faatulai mai e avea o se vaega o po o se aafiaga mai i se tagata ua faia se solitulafono i lalo o le fuaiupu 15; po o

(b) Faoa faamalosia so o se mea pueata, masini pue leo, komipiuta, o se mea faaleotele leo po o se isi vaega o se meafaigaluega mai so o se tagata pe afai o sea mea pue ata, mea pue leo, komipiuta, mea faaleotele leo po o vaega o mea faigaluega ua talitonuina i luga o ni mafuaaga tatau sa faaaogaina pe sa aafia i le faia o le solitulafono i lalo o le fuaiupu 15.

(2) So o se meataitasi po o se mea faaaogaina ua faoa faamalosia i lalo o lenei fuaiupu e tatau ona taofia i puipuiga malu e le Komesina o Leoleo ma e tatau ona faamatuu ese e tusa ai ma le faafuaiupu (4).

(3) So o se meataitasi po o se mea faaaogaina ua faoa faamalosia i lalo o lenei fuaiupu e faaono mafai ona faaaogaina faatasi ma se moliaga mo se solitulafono i lalo o le fuaiupu 15.

(4) So o se meataitasi po o se mea faaaogaina ua faoa faamalosia i lalo o lenei fuaiupu ua maua i le Faamasinoga e faapea sa faaaogaina pe sa aafia i le faia o le solitulafono i lalo o le fuaiupu 15 po o ua maea ona faia po ua faatulai mai e avea ai o se vaega o po o se aafiaga mai se tagata ua faia se solitulafono i lalo o le fuaiupu 15 o le a tatau ona faamatuu atu i le Malo Tutoatasi o Samoa ma i isi tulaga uma o lea meataitasi poo mea faaaogaina o le a tatau ona faaavanoaina e le Komesina o

Galuega tau Leoleo mo le aoina e se tagata o ia lea sa faoa faamalosia mai ai lea meataitasi po o mea faaaogaina ma i le tulaga e faapea ai e leai se tagata ua tapa sea meataitasi poo meafaigaluega i totonu o le masina e tasi (1) ina ua maea so o se taualumaga a le Faamasinoga ua uma ona faaiuina po o i totonu o se masina e tasi (1) ina ua maea ona fuafuaina e le Loia Sili e faapea e leai se totogi e tatau ona faia po o se moliaga faaletulafono i lalo o le fuaiupu 15, po o le a lava le tulaga e faatatauina i ai, o sea meataitasi poo meafaigaluega o le a tatau ona faamatuu atu i le Malo Tutoatasi o Samoa.

VAEGA V
PUIPUIGA O MEATOTINO
TAULE ATAMAI

17. Aiatatau i meatotino tau le atamai o lo o umia e le Pulega-(1) E ui i aiaiga o so o se isi tulafono, e umia lava e le Pulega aiatatau o meatotino tau le atamai i Taaloga.

(2) E mafai e le Pulega ona tuuina atu se laisene po o isi aiatatau i se faiga tusinga, i se vaega po o aiatatau uma o meatotino tau le atamai sa umia e le Pulega i se isi tagata i luga o ia tuutuuga e pei ona mafai ona fuafua e le Pulega, i lana faitalia faitoatasi.

18. Solia o aiatatau o meatotino tau le atamai-(1) So o se tagata ua ia solia ma lona iloa aiatatau o meatotino tau le atamai a le Pulega ua faia e ia se solitulafono.

(2) So o se tagata e fesoasoani ma lona iloa po o le lagolagoina, po o le fautua po o le usui o se isi tagata e faia se solitulafono i lalo o le fuaiupu (1) ua ia faia se solitulafono.

(3) So o se tagata ua molia i se solitulafono i lalo o faafuaiupu (1) po o (2) o le a tatau ona noatia i se sala tupe e oo atu i le 1000 iunite tau faasalaga po o le nofosala i le falepuipui mo le tasi (1) le tausaga po o vaega uma e lua.

19. Faoa faamalosia o mea ua faia ua solia ai aiatatau i meatotino tau le atamai a le Pulega-(1) E ui lava i aiaiga o so o se isi tulafono, e mafai e se alii leoleo, i le faia i luga o se

talosaga tusitusia mai le Pulega, ona faoa faamalosia meataitasi po o se meafaigaluega, po o so o se isi lava mea pe afai o ia mea ua talitonuina sa faia po o ua faatulai mai e avea ai o se vaega po o se aafiaga mai i se tagata ua faia se solitulafono i lalo o le fuaiupu 18.

(2) So o se meataitasi po o meafaigaluega po o se mea na faoa faamalosia i lalo o lenei fuaiupu o le a tatau ona umia i se puipuiga malu a le Komesina o Galuega Tau Leoleo ma e tatau ona faamatuu atu e tusa ai o le faafuaiupu fa (4).

(3) So o se mea taitasi po o se meafaigaluega po o so o se vaega tagofia ua faoa faamalosia i lalo o lenei fuaiupu e mafai ona faaaogaina i lona fesootai ma se moliaga mo se solitulafono i lalo o le fuaiupu 18.

(4) So o se meataitasi po o se meafaigaluega po o se mea ua faoa faamalosia i lalo o lenei fuaiupu e faapea na maua e le faamasinoga ua uma ona faia pe sa faatulai mai o se vaega o po o se aafiaga mai i se tagata sa ia faia se solitulafono i lalo o le fuaiupu 15 o le a tatau ona faamatuu atu i le Malo Tutoatasi o Samoa ma i isi tulaga uma o sea meataitasi po o meafaigaluega po o mea o le a tatau ona faaavanoaina e le Komesina o Galuega Tau Leoleo mo le aoina e le tagata na faoa faamalosia mai ai ia meataitasi po o meafaigaluega po o mea faaaogaina, ma i le tulaga e faapea e leai se tagata e tapaina ia mea i totonu o le masina e tasi (1) ina ua maea so o se taualumaga a le faamasinoga ua faaiuina po o i totonu o le masina e tasi (1) ina ua maea ona fuafuaina e le Loia Sili e faapea e leai se totogi e tatau ona faia po o se moliaga i lalo o le fuaiupu 18, po o le a lava le tulaga e faaaogaina ai o le a tatau loa ona faamatuu atu sea meataitasi po o meafaigaluega poo mea faaaogaina i le Malo Tutoatasi o Samoa.

20. Puipuiga mai Noataga – O se mataupu po o mea ua faia po o ua aveesea e:

- (a) Le Pulega, o ana tagata faigaluega po o tagata sooupu; po o
- (b) Le Komesina o Galuega Tau Leoleo; po o
- (c) So o se alii leoleo; po o

(d) So o se tagata o lo o galue i se tulaga aloaia e fesootai atu i le Vaega IV ma le V o le Tulafono, e le noatia ai le Pulega, o ana tagata faigaluega ma tagata sooupu po o so o se tagata o lo o faasinomia i totonu o le (b) po o (c) po o (d) i so o se gaoioiga, noataga, talosaga po o se manaoga aiai, pe afai sa faia lea mataupu pe sa aveesea lea mataupu i le loto lelei mo le faamoemoe o le faatinoina o Vaega IV po o Vaega V o le Tulafono.

VAEGA VI MEA ESEESE

21. Malosiaga e faamatuu atu ai-(1) E mafai e le Pulega ona faamatuu atu i so o se tagata so o se galuega tauave po o malosiaga a le Pulega, e ese mai ai nai lo le malosiaga ua faamatuuina atu nei.

(2) E mafai e le tagata ua faamatuu atu i ai le malosiaga ona toe faamatuu atu malosiaga i so o se tagata so o se galuega tauave po o malosiaga ua faamatuu atu ia te ia e le Pulega pe afai o le faamatuuina atu o le malosiaga ua faatagaina e le Pulega e ala i se tusitusiga ina ia faia faapea.

22. Faailoaina atu ma le faaaogaina sese o faamatalaga-

(1) E le mafai ese tagata ona faailoaina atu so o se faamatalaga ua maua e fesootai ma le faafoeina, po o le faatinoga o lenei Tulafono vagana ai o le faailoaina atu ua faia:

- (a) Faatasi ma le maliega a le tagata na maua mai ai lea faamatalaga; po o
- (b) I le fesootai atu ma le pulega po o le faatinoina o lenei Tulafono; po o
- (c) Mo le faamoemoe o so o se taualumaga faaletulafono e tulai mai i lenei Tulafono po o se lipoti o so o sea taualumaga;
- (d) Ina ia tusa ai ma manaoga o le Tulafono o Komesina o Sulufaiga (Ombudsman) 1988 po o le Tulafono o Pulega o Tupe a le Malo 2001; po o
- (e) Faatasi ma se faatagaga faaletulafono.

(2) So o se tagata ua solia le faafuaiupu (1) ua faia e ia se solitulafono ma i luga o se moliaga ua noatia i se faasalaga e oo atu i le 100 iunite tau faasalaga.

(3) E ao ona le faaaogaina e se tagata, i se faiga tuusao pe faaalatua, faamatalaga tau pisinisi na mauaina e lea tagata i le faafoeina po o le faatinoga o lenei Tulafono mo le faamoemoe o le mauaina faasili o avanoa tau tupe i se faiga tuusao pe faaalatua mo lea tagata, o lona toalua po o se toalua faapouliuli, o se auaiaga o lea tagata po o se isi tagata e galulue faatasi ma lea tagata.

(4) So o se tagata ua ia solia le faafuaiupu (3) ua faia e ia se solitulafono ma i luga o se moliaga ua noatia i se faasalaga e oo atu i le 1000 iunite tau faasalaga.

(5) Mo faamoemoega o le faafuaiupu (3) o faamatalaga tau pisinisi e faapea o faamatalaga ia e le o silafia i ona tulaga lautele peitai afai ua silafia lautele e faaono mafai ai ona talafeagai lona masalomia i aafiaga o tau o loo faatauina ai oloa i maketi so o se eleele po o le faatosina ai i tulaga tino mai so o se konekarate po o tauofoga mo konekarate ma le Pulega.

23. Tulafono Faatonutonu-(1) E mafai e le Ao o le Malo i luga o le fautuaga a le Kapeneta, ona ia faia tulafono faatonutonu e le ogatasi ma lenei Tulafono, mo po o e tusa ai o so o se mataupu e faapea ua manaomia po o ua faatagaina ina ia faatonuina po o e faapea ua talafeagai po o ua talifetaui ina ia faatonuina mo le tauaveina po o le faamamaluina o lenei Tulafono e aofia ai ae le faatapulaaina ai, i le faatonuina o solitulafono e faapea o le faasalaga e mafai ai ona aofia i totonu se sala tupe e oo atu i le 100 iunite tau faasalaga po o le nofosala i le falepuipui e oo atu i le 1 tausaga po o faasalaga uma e lua, o le faasalaga tupe po o le nofosala i le falepuipui

24. Faamutaina o le aoga o le Tulafono – E tataua ona faamutaina le aoga o lenei Tulafono i le aso 30 Iuni 2008.

FAAMATALAGA (silasila fuaiupu 2)

AIATATAU O MEATOTINO TAU LE ATAMAI

1. 2007 Taaloga a le Pasefika i Saute
2. Taaloga a le Pasefika i Saute 2007
3. 2007 Samoa – Taaloga a le Pasefika i Saute
4. Taaloga a le Pasefika i Saute – Samoa 2007
5. Taaloga a le Pasefika i Saute
6. Taaloga a le Pasefika i Saute – Samoa
7. Samoa – Taaloga a le Pasefika i Saute

**O le Tulafono o le Pulega o Taaloga o le 2007 a le Pasefika
i Saute 2002 o lo o faafoe e le Pulega o Taaloga
o le 2007 a le Pasefika i Sauté.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**